

Serenissimo Principi Ac Domino, Domino Friderico Wilhelmo, Regni
Borvssiae Heredi ... Principi Ivventutis, Academiae Fridericianae
Rectori ... Pvblico Eivsdem Academiae Nomine Natalem XV Felici Sidere
XV Avgvsti MDCCII Oritvrvvm ... Iohannes Caspar Königk ... Gratvlatione
Celebrabit

Serenissimo Principi Ac Domino, Domino Friderico Wilhelmo, Regni
Borussiae Heredi ... Principi Iuventutis, Academiae Fridericianae
Rectori ... Publico Eiusdem Academiae Nomine Natalem XV Felici
Sidere XV Avgvsti MDCCII Oriturum ... Iohannes Caspar Königk ...
Gratulatione Celebrabit

[Halle, Saale]

Lizenz: <https://creativecommons.org/licenses/by-nc-sa/4.0/>



4023025-9

Anton, Paul

HZ: 2 Bud.Var.382(19)

https://collections.thulb.uni-jena.de/receive/HisBest_cbu_00036562

urn:nbn:de:urmel-245def7e-2468-4a55-9f63-192e6d21bdb98-00021723-11

Lizenz: <https://creativecommons.org/licenses/by-nc-sa/4.0/>



179
QUOD FAVSTVM AC FELIX SIT.
SERENISSIMO PRINCIPI AC DOMINO;
DOMINO

FRIDERICO WILHELMO,

REGNI BORVSSIAE HEREDI,
MARCHIONI BRANENBVRGICO, ITI-
DEMQUE, QUI EIVS GENTIS EST, ELECTORATVS, ET SV-
PREMI ARAVSIENSIS PRINCIPATVS HEREDI, DVCI MAGDE-
BVRGI, CLIVIAE, IVLIACI, MONTIVM, STETINI, POMERANIAE,
CASSVBIORVM, VINIDORVM, ET IN SILESIA CROSNAE, BVRG-
GRAVIO NORIMBERGENSI, PRINCIPI HALBERSTADII, MINDAE,
CAMINI, COMITI HOHENZOLLERAE, MARCAE, RAVENSBER-
GAE, LINGAE, MEVRSAE, BVRAE ET LEERDAMI, MAR-
CHIONI VEERAE ET VLISSINGAE, DYNASTAE IN
RAVENSTEIN, LAVENBVRG, BVTOW, ARLAY
ET BREDÄ, CETERA,

PRINCIPI IVVENTVTIS,
ACADEMIAE FRIDERICIANAE
RECTORI MAGNIFICENTISSIMO,
ET CLEMENTISSIMO DOMINO,
PVBLICO EIVSDEM ACADEMIAE NOMINE

NATALEM XV
FELICI SIDERE XV AVGVSTI CIOICCH
ORITVRVM
NOBILISSIMVS IVVENIS

IOHANNES CASPAR KÖNIGK,

ZEHDENICENSIS MARCHIVS,
SVBIECTISSIMA DEMISSISSIMAQVE GRATVLATIONE
CELEBRABIT.

AD QVAM SOLEMNISSIMAM PANEGTRIN
VTRIVSQVE REIPVBlicae PROCERES,

VIROS, IVVENES, EMINENTES, ILLVSTRES,
AMPLISSIMOS, DOCTISSIMOS
INVITAT

ACADEMIAE PRORECTOR
PAVLVS ANTONIVS,
S. THEOL.D. ET PROFESS. PVBL. ET CONSISTORII
IN DVCATV MAGDEB. CONSILIARIVS.

Typis CHRISTOPH. ANDREAE ZEITLERI. ACAD. TYPOGR.



Vigilat caeleste Numen, & perseverat nobis
 benefacere: & bona bonis auget,
 immo cumulat, ut per annos singulos,
 per menses ac dies omnes, ornatiores
 simus & idemtidem feliciores. Vix
 minus mensis spatium est, ex quo æter-
 næ bonitati vota nostra pro salute serenissimi ac po-
 tentissimi REGIS BORUSSIAE ac PATRIAE
 PATRIS, DOMINI nostri indulgentissimi, iustis-
 simis de causis solvimus, quum abundantius, quam
 precati fueramus, nostris precibus satisfactum esse,
 SERVATA REGIS SALUTE ac FELICITATE,
 eaque victoriis & insperatis hereditatibus auctiore, in-
 telligebamus. Iam eadem Dei benignitas nobis ad-
 fulget, & lux nova cælo perendie orietur, quæ in-
 gentis beneficii, quod accepimus, nos admonet, & ad
 officium eo nomine faciendum quam maxime cohor-
 tatur. NATALIS is decimus quintus est serenissimi
 IVVENTVTIS PRINCIPIS & RECTORIS
 nostri MAGNIFICENTISSIMI, & clementis-
 simi DOMINI, quem caelestis prouidentia per an-
 nos quatuordecim sine offensione incolumem serua-
 vit, & mirificis ingenii ac fortunæ bonis auxit, ac ita
 EIVS educationi Regiæ diuino nutu adfuit, ut non
 tantum sperare omnes bene, sed confidere quoque
 possimus, futurum propediem, ut PERFECTISSI-
 MVM

MVM PRINCEM, & MAIORIBVS suis glori-
 osis; in primis felicissimo **PARENTI**, nostro **DO-**
MINO, quam simillimum habeamus. In **HVNC** spes
 patriæ incumbit, quæ posteritati etiam ex ingenio **E-**
IVS, ad omnem virtutem ac sapientiam exculto, feli-
 citatem eandem, qua fruimur, pollicetur, & quod ex
 certis indiciis intelligimus, etiam quod promissum est,
 præstabit. Nos quibus curæ litterarum studia sunt,
 illorum quoque causa singulares lætandi gratulandi-
 que rationes habemus, quia **HVIVS** indole ac con-
 suetudine futurum providemus, ut, quas contemtas
 & prostratas litteras sapientissimus **PATER** pro Re-
 gia sua munificentia erexit, easdem **FILIVS**, in Mu-
 sarum consortio, quas per tot annos rexit, educatus,
 in altius & melius adducat, & ad seram posteritatem
 earum cultum & æstimationem proferat. Magnæ
 itaque & iustæ rationes sunt, quæ ad hunc **NA TA-**
LEM DIEM religiose ac deuote celebrandum nos in-
 stigent atque urgeant, quia saluo **IVVENTVTIS**
PRINCIPE salus continuatur patriæ, ac spes publi-
 ca corroboratur, litterarumque flos & vberior prouen-
 tus non tantum non minuitur, sed augescit etiam &
 in dies fructus lætiores pulchrioresque adfert ad rem-
 publicam. Quod sane insigne Dei munus ac be-
 neficium est, quo ita ad grati animi officium facien-
 dum obligamur, ut obstrictos deuinctosque se intelli-
 gunt, qui maximo & incomparabili beneficio diuini-
 tus adfecti & ornati sunt. Quid multa? Habemus
 quod sperauimus: habemus quoque, & maiora habe-
 mus, quæ in posterum sperentur. **PRINCEPS** no-
 vis stimulis concitator factus non iam celeriter, sed ef-
 fuso cursu ad virtutem fertur, ad gloriam immortalem
 rapitur. **PATRIS DIADEMA** quantum incitamen-
 tum est? sed de hoc superiore anno diximus. No-

va accellerunt, quæ non minus ILLVM exstimulent
 atque instigent. ARAVSIENSIS hereditas quot He-
 roas memoriæ & animo repræsentat, quorum virtuti-
 bus perinde ille, ac Themistocles Miltiadis tropæis,
 excitetur? ARAVSIO vetus vrbs Cauarum, post co-
 lonia Secundanorum, vt Plinius vocat, id est Secun-
 dæ legionis, &, vti Neronis nummus præfert, cohortis
 ex ea XXXIII. Multa eius mentio in antiquis mo-
 numentis, & Deæ Vocontiorum repertus lapis XV.
 VIR. ARAVSENS. memorat: ex quo nomine exci-
 disse litteram, alia, quæ Vefontione legitur, inscri-
 ptio probare videtur, GEMINIA TITVLLA ARAV-
 SIENSIS MATER SACRORVM: vt Ecclesiæ pri-
 scæ concilia, ibidem congregata, taceamus. Romana
 ergo virtus est, quæ nouo titulo IVENTVTIS PRIN-
 CIPEM instigat: Heroum Arausiensium, ex Gente
 Nassouia ortorum, gloria est, quæ calcar sponte cur-
 renti addit: Ecclesiæ pietas est, quæ sacra & colenda &
 defendenda commendat. Tanti PRINCIPIS, tot MA-
 IORVM præclaris imaginibus, tot titulis & cogno-
 mentis nouis excitati, ideoque SPEI PVBLICAE, NA-
 TALEM vt rite ac deuote celebremus, omnino no-
 strum officium est & demississimum obsequiū. In quo
 faustis verbis & conceptis votis præbit nobis nobilis-
 simus politissimusque iuuenis IO. CASPAR KÖ-
 NICK, Zehdenicensis Marchicus; qui singulos pu-
 blice admonebit, quod vouendo, comprecando facien-
 dum est omnibus. Agite ergo, adeste REGIAE DO-
 MVS Cultores, Proceres vtriusque Reipublicæ, & Ci-
 ues eruditi; votis, precibus pro PRINCIPIS salute in-
 ter vos certate: quo facietis nobiscum, quod debemus;
 & quod DEO, REGI, & IVENTVTIS PRINCIPIS
 est gratisimum. P.P. Halæ idibus Aug. CIOCCII.